

Q. D. B. V.

DISSERTATIO INAUGURALIS MEDICA,
DE

T Y M P A N I T E,

Von der *Windſucht* /

QUAM

FAVENTE DEO TER OPTIMO MAXIMO,

AUCTORITATE ATQUE CONSENSU

AMPLISSIMÆ FACULTATIS MEDICÆ

IN ALMA AC PERANTIQUA ELECTORALI HIERANA,

SUB PRÆSIDIO

DN. D. JOANNIS ANDREÆ
FISCHERI,

CONSILIARII ET ARCHIATRI ELECT. MOGUNTINI,

FACULT. MED. DECANI, ET SENIORIS SPECTABILISS. PATHOLOG. ET PRAX.

PROF. PUBL. ORD. NEC NON MEDIC. PROVINC. DUCAL. ISENAC.

PATRONI AC PROMOTORIS SUI OMNI HONORIS CULTU
PROSEQUENDI,

PRO LICENTIA

SUMMOS IN MEDICINA HONORES ET PRIVILEGIA
DOCTORALIA RITE ADIPISCENDI,

PUBLICO ERUDITORUM EXAMINI SUBMITTET

CHRISTIANUS Gottlieb Zschaschel /

GÖRLICENSIS.

AD DIEM XXIII. SEPT. ANNI MDCCXIX.

IN AUDITORIO MAJORI, COLLEGH MAJORIS

HORIS CONSUETIS.

ЯТРА

Содержание

1. Введение
2. Описание
3. Заключение

4. Приложение

5. Литература

6. Заключение

7. Приложение

8. Заключение

VIRIS

*Magnificis, Prænobilissimis, Amplissimis,
Excellentissimis, Consultissimis,*

INCLUTÆ REIPUBLICÆ PATRIÆ GÖRLICENSIS,

DOMINIS

DN. CONSULIBUS,

DN. PRÆTORI,

DN. SYNDICO,

DN. SCABINIS,

DN. SENATORIBUS,

*Dominis Patronis omni honoris, amoris,
ac observantiæ Cultu ad Cineres usq̃
colendissimis,*

Dissertationem hanc Inauguralem in gratæ men-
tis tesseram, & summæ observantiæ documentum

Dat, Dicat, Dedicat

AUCTOR ET RESPONDENS

CHRISTIANUS Gottlieb Tzschaschel.



PROŒMIUM.



Uid Medicum commendet præcipuè, admirabilis senex noster, pro sua, qua nunquam non inclaruit sinceritate, posteritati sequentibus revelavit fidelissime: *ὁ ἀρίστα γνέσκει, ἀρίστα θεραπεύει*, i. e. Qui optimè cognoscit, optimè curat: Ab hac enim decenter instituta cognitione pendet existimatio, felicitas, fortuna Medici, ab eadem universa ægrotorum salus. Latè patet hæc requisita *Διάγνωσις*, perfunctoria morborum causarumque scientiâ minùs comprehensa, intimiori potiùs scrutinio eruenda. Præter id enim, quod Medicum Physica Experimentalis haud leviter tinctum esse oporteat, requiritur accurata rei Anatomicæ, & status inde secundum naturam in Machina humana comparata notitia, quâ probè imbutus Medicus eo promptiùs ac feliciùs in morbis indagandis progredi valet, rectum enim est norma obliqui, & contraria juxta se posita magis elucescunt, nec non profundissima Materiæ Medicæ è triplici Regno petenda indagatio atque explo-

ploratio, Pyrotechnia-Mediante & Pharmaciâ facta, ut omnibus probè perspectis & causis affectuum p. n. curatiùs erutis, eò citius judicari valeat, quod & quale remedium posito casu sit eligendum. Quam ardua verò res sæpe sit à via regia non aberrare, & in cògnoscendis morbis, causis atque symptomatibus nihil non æqua lance ponderare, omnemque difficultatem superare, Medici probi atque cordati toto experiuntur die, & hùc ipsum supremum Medicorum Principem respexisse censeo, quando in *Aphor. I. S. I.* *κρίσις* vocat *καλὴν*, *Judicium difficile*. Hoc verò in variis morbis observare licet, complicatis cum primis & sensui non adeo obviiis, in quibus Medici, si judicium de causis ferre debuerent, diversi in diversas abierunt partes. Hinc Medicum decet admodum circumspèctè semper procedere, atque anxie quærere, quò optimè cognoscat, quò optimè curet. Ut reliquos affectus p. n. quoad cognitionem æquè atque curationem admodum difficiles sicco, quod ajunt, pede jam prætermittam, Tympanitem considerans deprehendo, ratione causarum ejusdem diversas Autorum extare sententias. Quare omnem lapidem jam movebo, ut Tympanitem, quantum quidem fieri potest, è genuinis principiis eruam, conferendo statum naturalem cum præternaturali & ejus nomen, naturam, subjectum causas, harumque connexionem cum effectibus, diagnosis, prognosin, curamque methodicam eliciendo. Gratia verò Divina in hoc negotio ex alto mihi benedicat & benignissimè largiatur, ut omnia succedant prosperè ac feliciter!

§. I.



Ydrops in universum affectus censetur molestissimus, gravissimis corpus humanum affligens symptomatibus, adeo ut non tantum à Veteribus, verum etiam Recentioribus pro morbo curatu difficillimo sit habitus, & paucos eo laborantes sanitati restitui posse creditum. Hinc Aretæus L. 2. de sign. & caus. diut. C. 1. hanc in rem notat seqq. *Hydrops injucundum aspectu vitium est, & toleratu difficile, ab ipso enim perpauca liberantur, idque felicitate quadam, ac Deorum potius quam artis auxilio: Et Hipp. Noster COUS l. de int. affect. de eodem affectu ait: ἡ γὰρ νόσος χαλεπή καὶ Πᾶντες ταύτην διαφυγάνεσι: Morbus (Hydrops) enim gravis est, & ex quo pauci evadunt.* Inter Hydropis species suo modo quoque refertur ab omnibus Autoribus Tympanites, de quo nostra epicripsis, an gravior reliquis Hydropis speciebus sit affectus, vel mitior, passim & præcipue in prognosi inferius patefcet. Jam vero constitutum est, in contumacis & periculosi hujus morbi naturam inquirere, & quæ ejusdem veræ causæ sint, quæque insuper perpendenda & enucleanda esse videbuntur, *Φιλιατρῶν ἐξέτασι* paucis subjicere.

§. II.

Ordine ita exigente nomenclaturam præmittens tympanitem reor esse vocabulum origine Græcum, tympanites enim, five *τυμπανίτης*, à *τυμπανίζω*, distendo, fustigo, flagello, & hoc *ἀπὸ τοῦ τυμπάνου*, à tympano, seu instrumento, quod fuste percutitur, cujus thema est *τύπτω*, verbero, derivatur, & inde quoque sic nuncupatur, quoniam percussus venter tympani sonum edit. Synonymicè à variis quoque Excell. Auto.

Autoribus dicitur Tympanitis, ὁ τυμπανίας & tympania. Ab Hippocrate, Galeno, Fernelio, Alto Mari, Hollerio &c. Hydrops ficcus audit, à tumoris similitudine, quæ ipsi cum aqua inter cutem aliqua ex parte intercedit, denominatione desumpta, quemadmodum Ascites ab utris similitudine appellatur.

§. III.

Nec vero est, quod metuere velimus tympanitem inter hydropis species collocare, ex eo, quoniam profectò in re ipsa ingens plane hìc existit differentia, tam à priori, causarum & materialis constitutionis veræ, quam à posteriori Methodi medendi intuitu, ob quam non licet, quæ sunt disjuncta, unico complecti termino. Nam licet ὑδρωψ, ὑδρωπισίς, ὑδρεξ, ab aqua, ἀπὸ τῆς ὑδατος dictus κυρίως seu proprie non sit alius affectus, quam ubi est aqua p.n. collecta, tumoris causa, ἀνύεως tamen & improprie recte dicitur hydrops tympanites, nimirum cum Ettmullero *Operum Medic. Tom. II. p. 757. a.*) tantum propter aliqualem similitudinem tumoris cum ascite particulari, & quia rarò quoque absque aquarum aliquali colluvie contingit, eundem ad hydropes retulerunt & Veteres & Neoterici. Germanis redditur communiter, die Wassersucht, von welcher der Bauch wird wie eine Trummel. Et veniam me facile accepturum esse confido, quod ad differentiam in Titulo vocaverim, die Windsucht.

§. IV.

Si quidditatem tympanitis quæram, Celsus *l. 3. c. 12.* vocat hydropem, quum ventre vehementer intento creber intus ex motu spiritus sonus est. Juxta *Frambesarium p. 475.* & *Fernel. in Pathol. p. 307.* est abdominis distensio ex multo flatu in illius capacitate concluso, non tamen citra humoris permissionem. *Hartmanno in Oper. omn. Dispp. Med. Chym. p. 104. §. 29.* est abdominis ex plurimis flatibus in capacitate ejus conclusis.

clusis extuberantia. Mihi arridet præsertim *Thomæ Willisi in Oper. omn. Tractat. de Medicam. Operation. p. 240.* tradita definitio aut descriptio: Quod sit tumor abdominis fixus, & constans, æquabilis, durus, renitens, & à pulsatione sonitum edens, à partium & viscerum membranaceorum inflatione *τετανωδες* ortus, propter spiritus animales in fibras istas copia nimia adactos, ibidemque succi nervei obstruentis vitio à recessu impeditos, cui affectioni consequenter flatuum in locis vacuis aggestio velut complementum accedit. Cui subjungo flatus non rarò antecedentis causæ locum subire, & revera inflationem laudatam causari.

§. V.

Generis loco stat tumor, qui in genere est affectus p. n. quò partes humanæ machinæ præter solitum modum & ultra Euphoriam ampliantur atque extenduntur, ut exin lædatur actio adesse debita, vel destinatam operationem perficere nequeant. Cujus ratione affectus noster inter morbos partium organicarum in conformatione ratione quantitatis excedentis sive in magnitudine aucta est referendus, quoniam abdomen p. n. tumidum & auctum redditum est.

§. VI.

Subiectum sive pars affecta est abdomen, à quo & reliquis in definitione positis differentia specifica est desumpta. Abdomen vero juxta Anatomicos; vid. *Bartholinum Anatom. Renovat. L. I. p. 14.* proprie constituunt partes infimum ventrem vestientes, seu continentes subdivisæ in communes, ut cuticulam, cutem, pinguedinem cum membrana, panniculum carnosum, & tunicam cuivis musculo propriam; & proprias, quales sunt muscoli abdominis & peritonæum. Est adeoque morbus particularis, quoniam abdomen occupat, est externus ratione tumoris, internus verò audiri potest, si causam respexeris & originem.

§. VII.

§. VII.

De reliquo in respectu ad alios affectus p. n. est per essentiam *ιδιοπάθειαν*, quando per se oboritur, nullis prægressis aliis morbis, vel per consensum *συμπάθειαν*, quando ab alio quocunque morbo vel symptomate præcedaneo ortum trahit. Paulo aliter quoque dicitur simplex, quando cum nullo alio morbo conjungitur, vel Compositus, si cum aliis v. gr. ascite, Colica, inflatione ventriculi, passione iliaca evenit. Ratione temporis verò est vel fiens, qui fit & adhuc est in principio, primas radices mali ponens, vel factus, qui jam in vigore & satis manifestus est, unde etiam Chronicus & longus deprehenditur, nunquam brevis.

§. VIII.

Ratione qualitatis tumor in definitione dicitur esse fixus & constans, quia nimirum permanet & plus ultra potius intenditur, quàm ut remittat, neque facta compressione à digitis ulla fovea relinquitur, sed resilit statim tumidum abdomen, & impressionem adauctam removet, insuper æquabilis est tumor laudatus undique expanso abdomine, durus etiam & valde renitens, & à pulsatione sonitum edens, id quod non potest non aëreis & æthereis fluidorum in corpore humano existentium particulis, communiter spiritibus animalibus dictis, in cavo abdominis, vel intra peritonæum & membranas abdominis coacervatis adscribi. Quod ipsum ut eò promptius una cum universa causarum hoc in statu connexionem deduci valeat, quædam adhuc perpendenda & præmittenda esse videbuntur.

§. IX.

Ante omnia & primò status partis affectæ naturalis est advertendus: In quo abdomen moveri deprehenditur non

jectis abdomen satis tumidum, æquabiliter & constanter durum ac renitens cum euphoria observatur, in quibus nulla tormina, neque copiosiores flatus, quam in aliis fortean exoriuntur, & de reliquo bene se habent. Quod phænomenon ex naturali vel sæpe congenita majori expansione & spirituum influxu copiosiori deduci amat. Quorsum spectant fœminæ quædam, quarum abdomen post enixum partum non penitus subsidet, sed satis expansum manet, manifesto indicio *elaterem* antea inductum spirituum subsistere, motumque adeo ad extra intensum servare.

§. XII.

Denique verò ad protheoriam causarum tympanitis erudendam, quædam ex *Willisio l. c.* hanc in rem excerpere integrum erit: Ille *a) κατ' ἀγιν* plerorumque Medicorum Autorum allatam causam, flatus esse negat: Quia cum prima ejus initia non advertantur, & hic affectus subito in immensum accrescat, adeo ut affecti vix prius se ægrotare sentiant, quin penè incurabiles sint, hinc improbable videbitur, flatus intra abdominis cavitatem conclusos in eo loco tam subito & copia tam ingenti produci, aut si producerentur tumorem adeo durum immobilem & constantem excitare posse. Dubitat etiam de morbi sede, ubi flatus concludi supponitur, & locum hunc in peritonæi concavo, atque ab intestinorum aliorumque imi ventris viscerum superficie convexa minus benè determinari asserit, quia tanta ventorum aggeries ibi vix colligi valeat. Confirmat hæc observationibus Plateri & Smetii, Autorum fide dignorum, se deprehendisse asserentium, in quibusdam, qui Tympanitici putabantur, post mortem sectis nullum flatum e ventris cavo erupisse, nec ventrem subsedisse, sed intestina, præsertim tenuiora, adeò flatibus distenta & convoluta profiliisse, ut in eundem ventrem amplius reponi nequirent. Nec tamen hæc observatio sibi argumento est, ejus morbi causam intra

cavitates intestinorum subsistere, atque flatus ibidem aggestos, sæpius aut potissimè ventris intumescèntiam tympaniticam excitare, quoniam affectus à tali προφάσις oriundus non ita immobilis & frequenter incurabilis foret & opinatur hinc, non tam intestina à flatibus conclusis immaniter dilatari & extendi, verum illa sæpè spontè extumescèntia, flatibus, quò spatia ampliata implerentur, consequenter & secundariò producendis occasionem præbere. De reliquo multò sibi adhuc improbabilius videtur, flatus inter mesenterii & intestinorum tunicas progigni, quia cum nulla ibi præexistat cavitas, flatus eas partes ita divellere & ab invicem separare non valent, & quod certè tot tantæque continui solutiones absque torminibus continuis & cruciatibus acerrimis fieri nequeant.

§. XIII.

Κατὰ θεσιν verò β.) Idem Autor perpendit, quot modis & quibus de causis evidentibus abdomen intumescere soleat: Et quatuor contentorum genera esse animadvertit, à quibus ventrisimi ὄγκος in viventibus procedat: Solida, humida, flatus, & spiritus. *Primò* tumores viscerum interni, scilicet scirrhusi, strumosi, cancrofi, glandulosi & quidam forsàn alius generis, quando ad modum notabilem assurgunt, totum ventrem intumesciunt, qui interdum ascitæ, interdum tympanitis sunt causa procatarctica, quibus deinde in utriusque morbi complementum causa alia conjuncta, scil. aquarum illuvies aut spirituum inordinatio accedit. *Secundò* humor aquosus intra abdominis cavitatem aggestus, aut partibus ejus membranaceis vel glandulosis impactus non rarò ascitem producit. *Tertiò* flatus intra coctionis viscera à cruditate, dyspepsia, aut humorum dissimilium fermentatione excitati, non rarò intestinorum cavitates inflant, atque ventris ὄγκον plerumque tamen brevem & transitorium producunt, sed quoniam succorum συμάσει cessante atque flatuum eru-

eruptione procurata, subinde statim ventris detumescencia succedit, judicatur eam causam solitariam neque colicam neque tympanitem producere. *Quarto* verò datur adhuc alia subita, & quidem immanis ventris intumescencia, quam spiritus animales (non de nihilo ab Hippocrate ὁρμῶντες dicti) acciere videntur. Si quando enim hi fibras nerveas ad viscera imi ventris pertinentes ἀδρόως & inordinatè irruent, illico partes, quas hæ contexunt, plurimum inflari, distendi & quaqua versus extumescere facient. Supposito enim (quod alibi fusius exposuit) membranarum & viscerum concavorum extensiones φυσώδεις seu velut inflationes, à spirituum in fibras nerveas incurfibus impetuosius exoriri, satis obvium erit concipere, etiam tympanitin à tali causa, sed fixiori in actu diutius aut perpetim existente produci. Et ulterius explicat tympanitem oriri, quatenus in imo ventre spiritus animales, ad viscera membranacea spectantes, ab incongruo quodam in ἀταξίας adaecti fibras utique nerveas tumultuariè irruunt, instantque, nec statim denuò ab iis recedunt: Hinc peritonæum extumescit, intestina ampliata & distenta velut instantur, mesenterium aliaque viscera membranacea spiritu impetuoso turgida velut in molem attolluntur. Quod autem spiritus animales inordinatione sua partes inflent membranaceas adeoque affectus quasi φυσώδεις producant, idem demonstrat ex observatione anatomica per vivisectionem facta, in quantum scilicet truncus nervorum octavi paris per cervicem utrinque descendens, si excipiat & filo ligetur, totus illicò ventriculus, tanquam à vento inflatus extumescit, quod certè secundum ipsum, & rectè quidem à nulla præterea causa procedere potest, quam quod spiritus fibrarum istius visceris insiti, alique per ductus nerveos ingressi (quatenus à fonte suo præscissi in confusionem aguntur) partes illas tumultuariè subeunt instantque. Non sine causa quoque refert exemplum Historiæ à Clarissimo Smetio citatæ, de Tympanite (uti appellat) universali in juvene quodam Leodiensi, qui cùm in conflictu sub axilla dextra vulnus

punctum factum in pectoris cavitationem penetrans accepisset, postridiè toto corpore post unicam noctem manè turgidus apparebat, non solum pectore, sed & dorso, ventre, lumbis, imò scroto quoque, præterea & brachiis, humeris, collo, vultuque, ut ne palpebras quidem deducere posset, quin etiam in vertice ipso, cute ubique distenta & tumefacta, tumor ubique eratensus, & cum dolore non paucò. Cujus stupendi affectus causam procul dubio hanc esse benè arguit: In pectore nimirum propè axillas, magni & perquam insignes extant nervorum plexus, per quos nervi totius corporis inter se communicant, videlicet truncus octavi paris, cum nervo intercostali, & utrique cum nervis spinæ dorsæ, per ramos & propagines hinc inde missas conveniunt. Quapropter plexu isto nerveo per gladii puncturam fortè transfixo, primò spiritus ibidem hospitantes irritati ἀταξίᾳ ineunt, deinde consensu per nervos tot eximios statim facta & quæqua versum huc illuc transmissò, spiritus alii & subinde alii pares inordinationes concipiunt, atque membranas, fibrasque nerveas, quas ubique tumultuariè subeunt, inflantes, totius corporis affectionem tympaniticam inducunt.

§. XIV.

Ex quibus præmissis genuinè applicatis faciliè erit ipsas causas veras è loculis suis jam designare. Causa nimirum proxima & immediata, eaque formalis Tympanitis est partium, & viscerum membranaceorum inflatio τετανώδης, sive expansiva; materialis verò causa proximior sunt spiritus animales in fibras istas copia nimia adacti, ibidemque succi nervei obstruentis vitio, à regressu impediti. Sicuti enim vigore §. 9. 10. & 11. in statu adhuc naturali motus abdominis à fibrarum illarum decenti inflatione spirituumque ordinato influxu & actione dependet, ita juxta §. 12. & 13. hic affectus p. n. ab inflatione excedente & majori, πρόφασιν & expansionem τετανώδην causante, spiritibusque inordinate motis

motis & irritatis dependeat, necesse est. Ubi tamen haud levis oboriri videtur difficultas, quomodo hic tumor tympaniticus, qui fixus, permanens, plerumque immobilis est, à tali causa procedat, cum tamen spiritus animales ex sua natura irrequieti & valde mobiles sint, & lationem ferè semper affectent. Sæpius citatus *Willisius* optimè rem componere visitur, considerando succum nerveum, qui animalibus spiritibus ubique pro vehiculo, simulque pro retinaculo est, totam connexionem rei seqq. describens: Si quando igitur latex iste fibras harum partium nerveas irrigans, vel ex se tenax & viscidus fuerit vel iisdem fœculentias plures impingat, propterea quidem accidet, spiritus animales, si quando in has fibras quadantenus obstructas impetuosè adigantur, exindè non omnes facilè redire: Cumque ita sæpius plenior eorum incursus, & parcior reditus fiat, tandem eveniet, magnas spirituum copias in fibras istas magis indies magisque impactas manere, easque distentas usque & plurimum inflatas tenere, demumque propter ituum & redituum in fibris istis vias occlusas ibidem prorsus immobiles fieri, atque partes continentes semper extensas & rigidas servare. Accedit verò, quod ipsæ partes jam extensæ plus justò, talem adscititium p. n. situm & expansionem facilè retineant, nulum enim dubium est per hunc motum atque dilatationem fibras nerveas alium prorsus situm, texturam atque nexum concipere & facilè retinere.

§. XV.

Causam antecedentem quæro cum *Baglivo in Oper. Med. Pract. & Anatom. L. I. p. 81. de Hydrope sicco* in materia acri, salina, piperina, mordicante, fibras nerveas exiccante, crispante, convellente, ut hinc portentosum acquirant elaterem per aëreo-æthereo-spirituosas laudatas particulas sustentatum. Acidum præcipue quoque nervis & spiritibus est inimicum, quod effervescentiam p. n. fluidis conciliando materiam visci-

viscidam expandit, ipsosque flatus generat: Hi itaque suum symbolum non raro addere, & sic non consequenter solum, sed antecedenter quoque certis casibus concurrere valent. Illustrat hæc *Aphor. II. S. IV.* sequentis tenoris; Quibus tormina adsunt, & circa umbilicum cruciatus & lumborum dolor, qui neque medicamento neque aliter solvatur in siccum hydropem firmatur. Et Magnifici *Wedelii* locus huc pertinet in *Exercit. Semiotico - Patbol. de Hydrope p. 138.* quod tumor in tympanite, vel à distensione saltim oriundus, vel materia ejusdem flatibus eminens sit: Sic *Timaus von Gùldenlee in Med. Cas. Pract. de Tympanite p. 142.* de Comitissa de Schlick recenset, quod diuturna abdominis inflatione & distensione affecta fuerit, præcesserant rugitus & murmura in ventre, tormina circa umbilicum & lumborum dolor &c. Sic *Frambesarius in loc. Cit. Consult. III. de Tympanite* ait: Molem minorem quam in ascite, & minus gravem, rugitu obmurmurantem, multaque flatus indicia extitisse. Patet hinc, ea, quæ Autores de flatibus commentantur, haud penitus esse rejicienda, sed cum grano salis applicanda: Et ita puto etiam, ea, quæ à Willisio juxta §. 12. adducuntur, restringenda esse ad causam immediatam, flatus nimirum non esse unicam causam & principalem, sed materialem & antecedentem.

§. XVI.

Inter causas remotas præcipuo loco stant præternaturales affectus ex multis cruditatibus, congectionibus & vulgo dictis obstructionibus oborti. Quo spectant tumores viscerum interni sc. scirrhusi, strumosi, cancrofi, glandulosi &c. *vid. §. 13.* Huc inflatio ventriculi, tormina colica, passio iliaca & hysterica, malum hypochondriacum, quorum morborum motibus frequenter excitari solitis, si demum abdominis tumor ab initio parvus superveniat, illicò non raro tympanitis oboritur. De diathesi hypochondriaca *Willisius l. c.* speciatim ex *Scherichio* observationem refert: Virum sexagenarium aliquot

quot menses , antequam in manifestum tumorem attolleretur venter , hoc symptomate infestatum fuisse , quod quotiescunque assidens mensæ , cibum manducandum aggrediretur , item quando se ad somnum componens obdormiscere inciperet , tanta corripiebatur anhelandi difficultate ut pro crebritate respirandi suffocationis periculum præ se ferret, quo tempore etiam percipiebat circa hypochondria palpitationem quandam , ac si præcordiis aliquid vivi animalis subesset, cujusmodi affectio postea cessit in tumorem abdominis , à quo interibat. Porro sequuntur causæ non-naturales, vitia in sex rebus non-naturalibus commissa , frigus subitaneum ab aëre aut aqua ventri illatum post incalescentiam cum primis corporis nimiam , frigidus potus & copiosus ab ingenti æstu sumtus , ingurgitatio ciborum crudorum , indigestorum , flatulentorum , somnus excedens & quies nimia , evacuationes solennes suppressæ , pathemata animi immodica , mœroris præcipuè , quippe hæc omnia ventris inordinatum motum procurare , nimixque expansioni fibrarum ansam præbere valent.

§. XVII.

Ad diagnosin hydropis præsentis instituendam consilium obtinet *Galen* in *Cap. 3. de dignosc. puls.* quod nos oporteat abdomen tangere , percutere & ad latera convolvere : Si pulsu sonitus audiatur , vel etiam durities percipiatur, est tympanites , & si percusso hydropici abdomine non audiantur sonitus & tamen adsit durities , etiam tunc est tympanias sed cum ascite conjunctus. Secundum *Hartmannum* *l. c. §. 316.* tympanites cognoscitur 1) ex tumore ventris , vel abdominis minori , quam ascite , qui venter percutus sine fluctuationibus tympani sonum edit. 2) Ex ventris levitate , qui quantumvis tumidus sit , nullum aut quam minimum ponderis sensum præbet. 3) è ructibus , quibus emissis nul-

C

lum

lum sentitur levamen 4) è dolore ventriculi & intestinorum præcipue cæci & coli circa umbilicum. 5) ex pulsu majori, crebriori ac subduro, quem Fernelius *l. c. p. 227.* vocat longum, celerem, crebrum & subdura. 6) Urina rubra & intensa: Quæ tamen ultima signa prioribus substant & variari possunt.

§. XIIIX.

Ratione prognoseos sententiæ quoque variant: *Baglivius* habet pro morbo acutissimo & difficillimo, citoque interimente, alvo & urina statim suppressis. *A Græcis* quoque Medicis aliisque pro periculossima hydropis specie habetur, *Avicennas* ascitem tympanite periculosiorem esse contendit, sed *Frambesario l. c.* videtur *Avicennæ* sententia *Græcorum* auctoritati præferenda, tum quòd ascites à majori frigore oriatur, quàm tympanites, tum quòd aqua unde fit ascites crassior fit, quam vapor, qui tympanitem creat, nec tam facilem habeat exitum, sitque proinde solutu difficilior: tum quòd aqua diutius sub peritonæo conclusa tempore putrescat, ac putredine partes nutritioni dicatas contamine, faciatque metastasin ad thoracem, unde tussis, mortis nuncia, faciesque magis à naturali habitu recedat, quam in tympanite. Secundum *Willisium* hic affectus per se raro interficit, quin longo tempore protractus, quò demum certius jugulet, si bimet ascitem lethi prænunciam adsciscit. Ego respiciendum esse puto vel maximè ad subjectum, naturæ robur, ad prægressa symptomata & evenientia quoque, quibus expensis facile erit majus vel minus periculum pro re nata exprimere.

§. XIX.

In cura felicius instituenda & absolvenda probè omnes
cir-

circumstantiæ sunt perpendendæ , à qua causa occasionali si-
ve procatarctica singularis quidam casus oboriatur , unde si
ab affectu quocunque p. n. ortum ducat , remedia ex ejus-
dem affectus ordinaria curandi methodo sunt desumenda.
Si conjunctus sit ascites , uno oculo ad hunc affectum , alio
ad tympanitem est respiciendum , & hoc casu magis tutò me-
dicamenta purgantia adhibentur. In genere vero in tympa-
nite seqq. indicationes obtinent, I) Cruditates obortæ, mate-
ria acris , piperina , mordicans , aut acidum quodcunque pec-
cans temperanda sunt & referendæ obstructions conjunctæ.
II) Roborandus est Archæus , quo ordinato modo & motu
spiritus influant , partesque distentæ roborentur. III) Uti in
universum varietas symptomatum est attendenda , quibus
dato casu seorsim destinata media essent oponenda , ita vel
maximè primæ viæ sunt respiciendæ , una cum reliquis ex-
cretionibus minus bene fientibus.

§. XX.

Sæpe à tertio scopo curationem inchoare tenemur ,
quando obstructio alvina conjuncta , vel saburra humorum
vitiosorum copiosa in primis viis adest , ubi in tympanite
propria s. simplici fortiora purgantia ob irritationis & velli-
cationis majoris metum evitanda , lenientia verò & laxantia
cum aperientibus & digestivis egregie conducunt. Huc per-
tinet vinum laxativum à *Greg. Horstio in Lib. obs. IV. C. XXX.*
pro tympanitico præscriptum , vel à *Willisio p. 242. l. c.* com-
mendatum , quæ medicamina artis peritus optimè ordinare
& variare novit. Conducit huc sequens formula multis mo-
dis p. r. n. varianda : R₂. rad. cichor. trifol. fibrin. helen. ana
℥iij. Hb. rosmarin. epat. nobil. ad mj. fl. fumar. cent. min. summit.
absinth. ana p. j. cort. cappar. ℥ij. fol. senn. Alex. S. fl. ℥j. Rhabarb.
el. ℥ß. sem. anis. ℥j. cost. ver. Schænanth. ana 3ß. Crystall. ♀. 3iß.
M, Conc. Cont. g. m. affunde vini boni non acidi ℥iij. vel IV. stent per

diem & noctem, dando ℥ij. vel. ℥iij. mane binis vicibus. Quod si vinum subiecto cuidam non videatur accomodatum, affusâ ∇a simp. font. decoctum fiat similem in usum adhibendum. Si patiens pilulis uti amet, addendus præsertim est & dulcis ad fluxiles reddendos humores, & quo mitius agant reliqua addita purgantia, oleum aliquod destillatum additur: v. g. R̄. extr. panchym. Croll. resin. scammon. & dulc. ana gr. IIX. extr. Colocynth. gr. j. ☉ L. sassafras. anis. ana gr. j. M. F. c. s. q. eff. carm. l. a pilul. XV. de quibus quinque circa noctem, & pro ratione operationis & virium ægroti altero die reliquæ sumendæ. Neque enemata hoc fine sunt de nihilo, quatenus alvum sine magna fibrarum irritatione subducunt: v. gr. R̄. rad. helen. alb. fœnic. lilil. alb. ana ℥iij. Hb. Chamomill. c. tot. alb. & al. hyssop. satirej. cerefol. ana mß. fl. Chamom. Rom. Summit. aneth. ana p. ij. sem. 4. carm. ana ℥j. fœn. Grec. ℥ij. Caric. pingu. n. vij. Conc. cont. gr. m. coqu. in s. q. ∇ simul. R̄. col. ℥x. vel. ℥vj. elect. de bacc. laur. ℥j. lenitiv. ☉ rutac. aneth. ana ℥iij. ⊕ ½ at. ℥iv. vitell. ovor. n. j. M. F. l. a. Enema. Quod si diaphoresis vel diuresis læsa fuerit, blanda diaphoretica, vel diuretica, primo cum primis scopo simul tangenda proficua erunt.

§. XXI.

Primo verò huic scopo satisfaciunt. 1.) Alcalina acorem quemcunque absorbentia motumque fluidorum promoventia, visciditatem resolventia, & obstructions reserantia, ut oculi ☿. Corall. rubr. ppt. Conchæ ppt. mater perl. ppt. marg. or. lap. 5. pretios. ½ Diaph. S. & ♂ at. bez. min. 4le, ♂le, antihect. Poter. & Cinnabarina quoque, & nativ. ½ ii, quatenus motum æquabilem spirituum simul respiciunt, egregii usus sunt. 2.) Nitrosa, & ♀ ea media, ∩ ⊕ dulc. arcanum ♀ri, ♀us ⊕ latus, resolutus, Magnes. alb. absorbendo laxans, MR antiscorb. arcanum duplicatum Myns. ⊕ ½ at.

$\frac{1}{2}$ at. TR ♀ S. & Comp. TRæ $\frac{1}{2}$ ales , 3.) aromatica , sale
 vol. ☉ foeta , proptereaue acidos humores temperantia ,
 incidentia , aperientia , stomachica : Ut rad. galang. Zedoar.
 Carlin. meu , acor. ver. hb. menth. calaminth. meliss. major.
 fol. & bacc. laur. junip. sem. anethi , anis. fœnic. carvi. cu-
 min. Cinamom. Caryophyll. arom. macis. N. M. Cort. citr.
 aurant. horumque spiritus & ☉ ætherea ☉ ata. Species item
 diagalang. diacumin. diaspolit. Galen. aromatica rosata , ca-
 ryophyllata , eff. Cort. aurant. Citri , lign. aloes. Zedoar.
 simpl. & Composit. Carminativa , aqua Carm. Dorncreill.
 spir. Carm. Drawizii & aliorum. Ex quibus , aliisque pro
 re nata variandis formulæ fiant. e. gr. R. MR. *antiscorb.* 3ij.
 eff. Carm. lign. aloes. ana 3iβ , ☿ ⊕ *dulc.* 3j. M. D. in Vitr.
 Item R. TR. ♀ Comp. 3ij. ☉ ☿ citr. ver. l. *Sassafras* ana gt. iij.
cinnamom gt. j. M. D. vel R. $\frac{1}{2}$ ♂ *Cach. arcan.* dupl. Myns.
 p. *absorb.* Wed. ana 3j. ☉ ☿ *mac.* gt. iij. M. F. pulv. R. Spec.
diacalamenth. diacumin. rad. ari , *croc.* 3i. *aperitiv.* bez. mineral.
 ana 3ij. ☉ citr. ver. l. *Sassafras.* ana gt. ij. M. F. l. a. pulv. in 6.
 p. *aqu. dividendus.* Quibus interponendum ☉ fulminans , tan-
 quam specificum ad gr. V. vel X. reliquis ppbus remiscen-
 dum.

§. XXII.

Nec minùs laudata medicamenta pro secundo scopo
 quoque militant roborando Archæum , quibus speciatim jun-
 genda nervina & paregorica : Summit. aneth. flor. Cha-
 mom. Rom. melilot. Sambuc. Sem. lin. carvi. sal. comm.
 ★ cal. furfur. tritic. Castoreum , ejusque essent. Spir. ☉ ,
 pinguedo , Zibethum , Mitridat. ther. & suo loco quoque
 emplastra : R. flor. Cham. Rom. meliss. samb. ana p. ij. summ.
 aneth. p. iij. sem. lin. carv. ana 3ij. furfur. trit. mij. sal. comm.
 ★ cal. ana 3iβ. ♀ comm. 3j. M. coqu. in ▽ font. & tepide linteami-
 nibus intinctis , R. ☿ castor. 3ij. ☉ ping. Castor. ana gt. ij. Zi-
 beth.

betb. gr. j M. quo abdomen semel in die inungendum. R2. empl. diacumin. bacc. laur. ana ʒiſſ. ʒo. Carm. Mynſ. ʒj. petrol. ʒʒ. aneth. q. ſ. M. F. l. a Empl. toti ventri per noctem applicando & renovando.

§. XXIII.

Quæ singularibus casibus destinata sunt, lubens præter-
eo, neque quomodo vitiis in sex rebus non naturalibus com-
missis contraeundum sit, pluribus expono, cum hoc perfaci-
le è diæteticis mutuari & huc transferri possit, sed ut tempo-
ris & instituti rationem habeam, toti huic dissertationi impo-
no desideratum colophonem, reliqua ulterioribus labori-
bus qua publicis qua privatis conservans.

Soli verò DEO sit Laus, Honor & Gloria!

T A N T U M!





Alter, quod novi, TZSCHASCHELI,
volvitur annus :

Ex quo, mortalem jussus deponere vitam,
Frater, Plissiaci pars non ignobilis Hæmi,
Intuitu Jovæ fruitur, lætave quiete.

Reddidit exanimes gravis hæc jactura parentes.
Senserunt tristes longi tormenta doloris.

Affiduos tenus hac imo de corde petitos
Duxerunt gemitus, rumpentes pectora questu.

Igneæ adhuc turgent immenso lumina fletu :

Ora rigata madent : mœror ferus exedit ossa.

Nunc vero splendet radians post nubila Phœ-
bus ;

Nunc lætos sumunt vultus ; nunc gaudia de-
mum,

Quæ capiunt animo, geminatis plausibus e-
dunt :

Dum patrii solus Tu felix nominis hæres

Non

Non tantum superas, non tantum vesceris aura:
Verum & honore novo mactaris, & ampla la-
borum,

Quos exantlasti patienter, præmia sumis.
Hincque Tuis lætus titulis applaudo, Tuisque
Tam laudabiliter finitis gratulor ausis.
Perge Tuos, sicut svesti, sacrare labores
Hygeæ: & Patri, Matrique subinde parabis
Gaudia, canentis mala mollitura senectæ.

Honoris ergo apponebat

HIERONYMUS **Sudolff**

Phil. & Med. D.

Facult. Med. & Philos. Assessor Ordinarius, nec
non Chymix & Mathematicum P. P.

